


十藥神書



101188
2003/1/16

內 容 簡 介

此是一本中医治療肺癆專書，为元朝葛可久所著。全書共立十張方子，分治肺癆各症。十張方子之中，有止血的、有止咳的、有增加营养的，都是相当实用而且有一定療效。

清朝名医葉天士治療肺癆的方法，多数是采用这十張方子的；后来陈修園又在每方后加上按語，進一步分析各方的作用。总之，他們都是从臨床上、理論上肯定这十張方子对肺癆的療效，現在中医治療肺癆也大都依据这些方法。故此書可作为治療肺癆的参考書。

夫人之生。皆稟天地之氣而成形。宜乎保養真元。固守根本。則一病不生。四體輕健。若曰不養真元。不守根本。病卽生矣。根本者。氣血精津也。予得先師之教。萬病無如癆症之難。蓋因人之壯年。血氣充聚。津液完足之際。不能守養。惟務酒色。豈分饑飽。日夜耽慾。無有休息。以致耗散精液。則嘔血吐痰。骨蒸煩熱。腎虛精竭。形羸頰紅。面白。口乾咽燥。小便白濁。遺精盜汗。飲食難

進氣力全無。斯因火乘金位。重則半年而斃。輕則一載而傾。況爲醫者不究其源。不通其治。或大寒大熱之藥。妄投亂進。不能取效。殊不知大寒則愈虛其中。大熱則愈竭其內。所以世之醫者。無察其情。予師用藥治癆。如羿之射。無不中的。余以用藥次第開列於後。用藥之法逐一條陳。如嘔血咳嗽者先服十灰散。揭住。如不住者。須以花蕊石散止之。大抵血熱則行。血冷則凝。

見黑則止。此定理也。止血之後。患人必疏解其體。用獨參湯補之。令其熟睡一覺。不要驚動。醒則病去六七矣。次服保真湯止嗽甯肺。太平丸潤肺扶痠。消化丸下痰疏氣。保和湯分治血盛痰盛喘盛熱盛風盛寒盛六事。加味治之。餘無加法。又服藥法曰。三日前服保真湯。三日後服保和湯。二藥相間服之爲準。每日仍濃煎薄荷湯灌漱喉中。用太平丸徐徐嚥下。次嚥一九緩

緩化下。至上牀時候。如此用之。夜則肺竅開。藥必流入肺竅。此訣最爲切要。如痰壅卻先用飭糖烱消化九百丸吞下。又依前嚼太平丸。令其仰臥而睡。嗽必止矣。如有餘嗽。可煮潤肺膏服之。復其根本。完其真元。全愈之後。方合十珍丸服之。此謂收功起身藥也。前藥如神之妙。如神之靈。雖岐扁再世。不過於此。吁。世之方脉。用藥不過草木金石。碌碌之常耳。何以得此通神訣。

要奇異之靈也。余蒙師授此書。吳中治癆何止
千萬人哉。未嘗傳與一人。今衛世恐此泯失。重
次序一新。名曰十藥神書。留遺子孫。以廣其傳
矣。時至正乙酉一陽日。可久書於姑蘇養道丹
房。

余自髫稚學業醫道。攷究方脈。三十餘年。遍歷
江湖。多學廣博者。不過言語文字形容之耳。及
至用藥治病。皆不能捷。是以日夜苦心。用志務

在中病。後遇至人。同處三月。斯人極明醫道。精通方術。用藥如發矢。無不中的。余曰必神人也。遂拜爲師。得授奇方一冊。閱之。或羣隊者。或三四味者。皆余目觀至人用效者也。使予如久旱逢霖。夜行得月。心中豁然。自此回至吳中。一用一捷。無不刻驗。信乎奇方。可錢梓者也。余以三餘暇日。將至人所授奇方。併日用決效之法。類成一帙。名曰十藥神書。蓋用效者。輒記錄之。今

西浙大癡道人與余通家之好。用禮求授。故錄
以奉養生濟人之功用爾。時至正戊子春正月
三陽日。可久再書於姑蘇春先堂。

十藥神書目錄

甲字十灰散

乙字花蕊石散

丙字獨參湯

丁字保和湯

戊字保真湯

己字太平丸

又名寧嗽金丹

庚字沉香消化丸

辛字潤肺膏

壬字白鳳膏

癸字補髓丹

平胃散方

附

四君子湯

附

十藥神書

姑蘇葛可久編

甲字十灰散

治嘔血吐血咯血嗽血。先用此藥止之。

大薊 小薊 荷葉 扁柏葉 茅根

茜根 山梔 大黃 牡丹皮 櫻櫚皮

各等分

右各燒灰存性。研極細末。用紙包。碗蓋於

地上一夕。出火毒。用時先將白藕搗汁或
蘿蔔汁磨京墨半碗。調服五錢。食後服下。
如病勢輕。用此立止。如血出成升斗者。用
後藥止之。

十灰大小薊大黃。梔子茅根茜草根。側柏葉同
荷葉等。櫻櫚皮並牡丹嘗。

陳脩園按。前散自注云燒灰存性。今藥肆中
止知燒灰則色變爲黑。而不知存性二字。大

有深義。蓋各藥有各藥之性。若燒之太過。則成死灰無用之物矣。唯燒之初燃。卽速放於地上。以碗覆之。令滅其火。俾各藥一經火煉。色雖變易。而本來之真性俱存。所以用之有效。人以爲放地出火氣。猶其淺焉者也。然余治證四十餘年。習見時醫喜用此藥。效者固多。而未效者亦復不少。推原其故。蓋因製不如法。亦因輕藥不能當此重任。必須深一步

論治。審其脉洪面赤。傷於酗醉惱怒者。爲火載血而上行症。余製有惜紅丸。日夜三四服。但須以麻沸湯泡服。不可煮服爲囑。審其素能保養。脉沈而細。面赤淡白。血來時外有寒冷之狀者。爲陽虛陰必走症。余製有惜紅散。加鮮竹茹日夜服三劑。其藥之配合。散見於拙刻各種中。茲因集隘。不能備登。

乙字花蕊石散

五藏崩損。湧噴血成升斗。用此止之。

花蕊石

火煨存性
研爲末

右用童便一鍾。炖溫。調末三錢。甚者五錢。食後服下。男子用酒一半。女人用醋一半。

與童便和藥服。使瘀血化爲黃水。服此。以

後藥補之。

每服只可
壹錢。潘注

花蕊石須火煨研。炖分酒醋和童便。功能化瘀爲黃水。輕用三錢。重五錢。

舊注。

程瘦樵云係周氏所注然余以未得名號爲憾

治吐血者競推

葛可久而先生首以二方止血。明明劫劑。毫無顧忌。細玩始知先生意之所到。理之精也。人生於陽根於陰。陰氣虧則陽自勝。上氣爲之喘促。咳吐痰沫。發熱面紅。無不相因而致。故留得一分自家之血。卽減得一分上升之火。易爲收拾。何今日之醫。動以引血歸經爲談。不可概用止血之味。甚至有吐出亦美。壅